



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Methodus Clara Et Facilis Vacandi Orationi mentali Atque
Exercendi se cum fructu in præsentia Dei**

Coloniæ Agrippinæ, 1687

6. De beneficiis Divinis

[urn:nbn:de:hbz:466:1-46004](#)

minimam, quia omnes æqualiter à Deo sunt ordinatæ, & illas qui negligit, in evidenti suæ salutis periculo constituitur, quia declinat à via, quâ ipsum Deus ad finem conducere beatum constituerat. Aliisque similibus affectibus, quorum actus conformiter ad supradictas formulas produci poterunt.

Quoad loca sacræ Scripturæ ac sententias *Monitum pro sen-*
SS. Patrum, sicut in illis contentæ veritates si-*sentie sa-*
miles non sunt, etiam differentes ex iis nasci *cra Scri-*
Solent affectus, quæ causa est, cur de illis in *pturæ*
particulari determinatè nil dicere valeamus.

6. *De Beneficiis Divinitatis.*

ANIMA, ubi consideraverit, quantum sit quodvis ex hujusmodi beneficiis, qua ratione ipsum nobis contulerit Deus ex mera sua infinita bonitate, idque eo fine, ut nos per hoc amplius ac strictius ad ei serviendum obligaret, & denique quâ in miseria versaremur, nisi isto fuissimus beneficio affecti, anima, inquam, illa infallibiliter excitabitur

1. Ad huic benefactori suo humillimas totto cordis affectu agendas gratias.

3. Ad bonitatem hanc divinam adeo magnificam, adeoque erga nos, absque ullo suo emolumento, profusam totis viribus redamandam.

3. Consequenter proponet à se hoc beneficium, donum aut gratiam illius servitio penitus impendendam,

4. Veniam rogabit præteritarum ingratitudinum, quodque donis toties, naturalibus æquè ac supernaturalibus, sibi abundantissimè concessis abusa fuerit.

5. Amorem omnem exuet creaturarum, fortiori impulsa amore Dei, ut illi soli adhæreat, atque in omnibus ac per omnia sanctissimæ illius pareat voluntati.

7. *De Perfectionibus Divinis.*

EX consideratione divinorum attributorum communiter nascuntur

1. Alta existimatio magnitudinis Dei.

2. Magna admiratio animique suspensio ad intuitum tantarum excellentiarum.

3. Actus profundæ humiliationis, adorationis, ac summi respectus.

4. Affectus amoris, laudis atque integræ submissionis illius sapientissimæ directioni factæ, perfectæque in illius protectione fiduciae.

5. Totalis oblatio corporis animæque nostræ ad illi omnibus, quibus ipse voluerit, modis inserviendum.

6. Motus ac desideria integræ transformationis in vasto hocce pulchritudinis bonitatis, amoris, atque æternæ felicitatis oceano.

7. Ardens honoris ipsius zelus, aliaque similia.

8. *De Creaturis.*

Non desunt, quibus creaturæ amplissimam suppeditant meditationis materiam, Illi ductum ac motum interiorem, eamque, quam